



## Concello de Oza-Cesuras

---

### DECRETO DO ALCALDE

#### ACTIVIDADES DE CONCILIACIÓN PARA O VERÁN 2017

#### APROBACIÓN DAS BASES QUE REXEN O “CAMPAMENTO URBANO 2017”

Vistas as bases que rexen o campamento urbano 2017 nas que se regula a convocatoria pública para as actividades de conciliación nas vacacións de verán 2017 deste concello, que tradicionalmente se ven celebrando para o desenvolvemento de políticas de igualdade entre mulleres e homes e loita contra a violencia de xenero.

Esta Alcaldía, en cumprimento das facultades que me confire a lexislación vixente,

#### **RESOLVE:**

**Primeiro:** Aprobar as bases específicas que regulan estas actividades e que de seguido se transcriben:

#### “ACTIVIDADES DE CONCILIACIÓN PARA O VERÁN 2017

#### BASES QUE REXEN O “CAMPAMENTO URBANO 2017”

##### **1) OBXECTO**

O obxecto destas bases é organizar o desenvolvemento das actividades de conciliación nas vacacións de verán 2017, para proporcionar unha alternativa de lecer saudable mediante a realización dunha ampla variedade de actividades de carácter educativo, lúdico e deportivo durante o período de vacacións de verán, concretamente durante os meses de xullo e agosto, dos nenos e nenas, ademais de contribuír á conciliación da vida familiar e profesional.

##### **2) DESTINATARIOS**

O “Campamento Urbano 2017”, está dirixido a nenos/as con idades comprendidas entre os 3 (escolarizados) e os 14 anos empadroados no concello.

Excepcionalmente, no suposto de que quedasen prazas vacantes, poderán participar nenos/as con idades comprendidas entre os 3 (escolarizados) e os 14 anos empadroados noutros concellos.

##### **3) DESENVOLVEMENTO DO CAMPAMENTO**

Prazas: O número máximo previsto de participantes é de 70 nenos/as.

O Concello reservará un máximo de 4 prazas gratuítas detinadas aos programas de Servizos Sociais e a proposta dos técnicos do dito departamento.



## Concello de Oza-Cesuras

---

### 4) DATA, HORARIOS E DURACIÓN

O “Campamento Urbano 2017” levarase a cabo durante os meses de xullo e agosto de 2017 en horario 7:30 a 15:00 horas (neste horario non se facilitarán alimentos aos menores, polo que, de consideralo preciso, deberán traelos da casa), conforme o seguinte detalle:

- 7:30 horas: apertura da instalación e chegada do primeiro grupo de nenos/as
- 9:00 horas: chegada do segundo grupo de nenos/as e presentación das actividades
- 9:30 horas: inicio das actividades
- 11:15 horas: merenda
- 11:45 horas: continuación das actividades
- 14:00 horas: recollida do primeiro grupo de nenos/as, avaliación e despedida
- 15:00 horas: recollida do segundo grupo de nenos/as, avaliación e despedida

### 5) LUGAR DE REALIZACIÓN

O “**Campamento urbano 2017**” desenvolverase principalmente no Pavillón Polideportivo “O Loureiro” sito na parroquia de Salto. Porén, poderán realizarse actividades noutros emprazamentos, así coma excursións (coa correspondente autorización expresa do pai/nai/titor/a)

### 6) COTA DE PARTICIPACIÓN

A cota de participación, segundo a opción elixida, será a seguinte:

- a) Opción 1 (Horario de 7:30h a 15:00h): 120,00€ por neno/a e mes. Non obstante, os/as nenos/as empadroados/as en Oza-Cesuras terán unha bonificación do 45%, resultando un prezo final de 66,00€/mes. O 2º irmán/á empadroado/a terá unha bonificación do 72%, resultando un prezo final de 33,00 €/mes e o 3º irmán/á empadroado/a terá unha bonificación do 82%, resultando un prezo final de 21,00€.
- b) Opción 2 (Horario de 7:30h a 14:00h): 105,00€ por neno/a e mes. Non obstante, os/as nenos/as empadroados/as en Oza-Cesuras terán unha bonificación do 45%, resultando un prezo final de 57,00€/mes. O 2º irmán/á empadroado/a terá unha bonificación do 72%, resultando un prezo final de 29,00€/mes e o 3º irmán/á empadroado/a terá unha bonificación do 82%, resultando un prezo final de 18,00€.
- c) Opción 3 (Horario de 9:00h a 15:00h): 105,00€ por neno/a e mes. Non obstante, os/as nenos/as empadroados/as en Oza-Cesuras terán unha bonificación do 45%, resultando un prezo final de 57,00€/mes. O 2º irmán/á empadroado/a terá unha bonificación do 72%, resultando un prezo final de 29,00€/mes e o 3º irmán/á



## Concello de Oza-Cesuras

---

empadroad/a terá unha bonificación do 82%, resultando un prezo final de 18,00€.

- d) Opción 4 (Horario de 9:00h a 14:00h): 85,00€ por neno/a e mes. Non obstante, os/as nenos/as empadroados/as en Oza-Cesuras terán unha bonificación do 45%, resultando un prezo final de 46,00€/mes. O 2º irmán/a empadroad/a terá unha bonificación do 72%, resultando un prezo final de 23,00€/mes e o 3ª irmán/á empadroad/a terá unha bonificación do 82%, resultando un prezo final de 15,00€.

Nos redondeos das porcentaxes de bonificación indicados anteriormente desprezáronse os decimais.

As baixas na actividade deberán ser solicitadas por escrito e presentadas no rexistro xeral do Concello ou mediante correo electrónico dirixido a [cultura.deportes@concellodeozacesuras.es](mailto:cultura.deportes@concellodeozacesuras.es), cunha antelación mínima de 10 días naturais e surtirán efecto o primeiro día hábil do mes seguinte.

En caso de baixa, e no suposto de ter efectuado o pagamento anticipado da cota do mes no que esta surta efecto, a solicitude de devolución da parte proporcional da cota formalizarase segundo o indicado no párrafo anterior.

### **7) FORMA DE PAGO**

- Coa solicitude de inscrición deberá achegar obrigatoriamente xustificante bancario de ter aboado a cota á primeira mensuralidade da actividade na seguinte conta bancaria titularidade do Concello:

ABANCA ES84 2080 0051 8831 1000 0071

- No suposto de que a inscrición se realice para os dous meses de duración da actividade, a cota correspondente á segunda mensuralidade poderá xustificarse co resguardo bancario do ingreso na conta arriba indicada no momento da presentación da solicitude de inscrición ou no seu defecto deberá autorizarse ao concello o seu cobro mediante domiciliación bancaria que se levará a cabo entre os días 24 e 31 de xullo 2017.

### **8) LUGAR E PRAZO DE INSCRICIÓN E PRESENTACIÓN DE SOLICITUDES**

O prazo de inscrición, que se anunciará na web do concello, comezará o día 23 e finalizará o 30 de maio (ambos inclusive).

A solicitude para poder participar nestes campamentos poderá presentarse presencialmente en calquera dos rexistros administrativos municipais (Lois, 33 – sede Oza- ou Forte Bragade, 1 – sede Cesuras -), cubrindo o formulario dispoñible na web do concello ou ben de xeito telemático mediante o modelo de solicitude xeral dos procedementos normais da sede electrónica do concello (<https://ozadosrios.sedelectronica.es>) achegando á mesma o formulario de solicitude dispoñible na web do concello para a realización deste trámite.



## Concello de Oza-Cesuras

---

A admisión será por rigorosa orde de inscrición en calqueira dos rexistros municipais indicados de conformidade co establecido na cláusula segunda.

Non obstante, se ao remate do prazo de inscrición e presentación de solicitudes se superase o número mínimo establecido de participantes, poderán admitirse novas solicitudes ate que se cubran o total de prazas previstas.”

**Segundo:** Efectuar a convocatoria pública do Campamento urbano 2017 de Oza-Cesuras, mediante anuncio que se publicará na páxina web e no taboleiro de anuncios do Concello

Oza-Cesuras, 22 de maio de 2017

**O ALCALDE,**

**Asdo. José Pablo González Cacheiro**

**O SECRETARIO,**

**Asdo.- José C. Sánchez Presedo**